

Bakterianik peqquteqartumik toqqusaarlunneq (tonsillitis acuta) aniornininnerlu (scarlatina) - Angajoqqaanut paasissutissiissut

Bakterianik peqquteqartumik toqqusaarluttoqalersimava? Angajoqqaatut nappaatip tuniluussin-
naaneranut pinaveersaartitseqataasinnaavutit. Iltersuut atuaruk meeqqallu toqqusaarlulersimappat
sulisut tamatuminnga ilisimatikkit.

Bakterianik peqquteqartumik toqqusaarlunneq (tonsillitis acuta) aniornininnerlu (scarlatina)

Tappiorannartunik bakteerissanik patsiseqartumik toqqusaarlunneq streptokokinik patsiseqara-
juttarpoq. Streptokokkit ilaat toorneeqqanik aappalaartunik aniorninitsitsisartumik toqunartu-
liortarput. Streptokok-inik patsiseqartumik toqqusaarluteqarluni aniorneqalerneq skarlagensfeber-
imik taaneqartarpoq.

Tunillatsinneq

Tunillannarteq qisermiit assaat atortulluunniit tamatuminnga mingutsinneqarsimasut aqqutigalugit
(pinngussat matut tigummivii assigisaallu) imal. quersornerup silaannakkut serpalinnerisigut
siammaattarpoq. Inuk napparsimassutiginngisaminik tunillatsissimasoq tunillaasuusinnaasarpoq.
Tunillaasinnaaffik: Meeqqap tunillatsinneraniit penicillin-imik nakorsartinnerata aallartinneraniit
ullut marluk qaangiunnerisa tungaanut.

Pitsaaliuineq

Anersaartuutineersoq qiseq kakkilluunniit assannut avatangiisinullu pitsaaliorsinnavat assannut
quersornallu tangajornak, kakkissarfimmulli pappiaqqamat allatullu ajornarpat talinnut quersorlutillu
tangajortarit assatillu asallugit. Kakkissarfik pappiaraq ataasiarlugu atoreerukku saqqumittinnagu
kaasarfimmittinnagulu igiguk. Qiseq attorukku assatit asakkit. Eqqiluisaarneq qaffasissumik
pitsaassuseqartiguk suulluunniit qaavi tagiagassat meeqqaallu atorajunnerusaat aalajangersimasumik
eqqiartakkit iperlu ersittoq peerlugu eqqiaasarit.

Nappaammut ersiutit

Tunillatsinnermiit nappaatip ersiutaasa takkuttarnerat: ullut unnuallu ataatsimiit pingasunut. Nappaammut ersiutit tassaapput kissarneqarneq, iisinnermi anniarneq, toqqusaani qinersit qalippersimaneri nalinginnaasumillu peqqissutsip nappaammit sunnigaanera. Toqqusaani qinersit suanngartarput ippinnarsillutillu. Tappiorannartut bakteerissat toqqusaarluummut patsisaappata virus-inik patsiseqartumit ersiutaat sakkortunerusarput. Skarlagensfeber toqqusaarlunermik aallarniuteqarpat ullut marlussuit qaangiunnerini aniornerit takkuttarput. Aniornerit naaniit aallartillutik timip sinneranut siaruaattarput ilaatigullu qungaseq avatillu ilanngussinnaasarlugit. Kiinaq aappalorullersinnaasarpog oqarlu aappillerluni. Aniornerit meqquteeqqat kapputtakkat nuuisut ammalortutut atsigisut imminnut qanittuaraallutik ataatsimoortut ameq assigiimmik aappillersittarpaat (skarlagensrødt). Ameq panerluni siggilalersarpog. Nakorsarneqarani sap. ak. ataatsip ingerlanerani aniornerit asinngartarput. Aniornerit takkunneriniit sap.ak. ataatsip marluluunniit qaangiunnerini assanni isikkanilu ameq katagalersinnaasarpog. Skarlagensfeber arlaleriarlugu nappaatigineqarsinnaanngilaq tappiorannartorli bakteria nappaammut patsisaasog kingorna anionertaqanngitsumik toqqusaarlutaalersinnaavog.

Nakorsartinneq

Streptokokkinik patsiseqartumik toqqusaarlunneq skarlagensfeber-ilu penicillinimik nakorsarneqartarput.

Kingunerluutaasinnaasut

Toqqusaani qinersit aappaata tunua, iggiaq qungatsimiluunniit qinerseq ajuaqarfiulersinnaavog.

Navianartorsiornermut ersiutit

Anernilulerneq iisiniarnerullu ajornartorsiutaanera. Aatsarluarsinnaannginneq.

Meeqquerivimmukaqqinnissaq

Penicillin-imik nakorsartilernerminiit ullut marluk qaangiunnerini nappaammut ersiuteqanngikkuni meeraq meeqquerivimmukaqqissinnaavog.